

ՋՄՅՈՒՌՆԱՐԱՅ ՀԱՄԱՅՆՔԸ ԵՎ ԹԱՆՁԻՍԱԹԻ
ԲԱՐԵՆՈՐՈԳՈՒՄՆԵՐԸ
(1840-1850-ական թվականներ)

Ա.Լ.ԲԵՐՏ ԽԱՌԱՏՅԱՆ

Թանգիմաթի ժամանակաշրջանի բարեփոխումներն իրենց ազդեցությունը թողեցին նաև Ջմյուռնիայի հայ համայնքի տնտեսական ու մշակութային կյանքի վրա: Ջմյուռնիայի և դրա շրջակայքի հայ բնակչության համար դրական նշանակություն ունեցան Գյուլհանե-ի հաթթով հուշակված՝ կայսրության հոլատակների կյանքի, դուլքի և պաալի սուլտանության երաշխիքները, նրանց իրավահավասարությունը օրենքի առջև: Կարևոր էր, որ սահմանվում էին հարկերի և տուրքերի կայուն տեսակներ, կարգավորվում էին դրանց գանձման ձևերը: Մի հայտնի չափով տեղական վաճառականությունը շահեց առևտրական արտոնությունների համակարգի (իմթիյազ) վերացումից: 1840-ական թվականներին հաստատվեց միատեսակ մաքս՝ նավահանգիստներ, մտնող բոլոր նավերի համար, դրա հիմքում ընկած էր սրանց ջրատարողության չափը¹: 1851 թ. Ջմյուռնիայում սկսեց դործել առևտրական դատարանը (թիջարեթ մեջլիս-ի), որը կարգավորում էր առևտրական բնույթի վեճերը, ինչպես նաև քրեական դատարանը (ջյունհա մեջլիս-ի): Այս դատարաններում կարևոր նորույթը մահմեդականների և ոչ մահմեդականների վկայությունների իրավահավասարության ճանաչումն էր: Թանգիմաթի հրատարակումից ի վեր այսպիսի դատարաններ կային միայն Կ. Պոլսում: Բրեական դատարաններում քրիստոնյաները անհամեմատ փոքր ներկայացուցչություն ունեին, բայց դրա դոյությունն իսկ նկատելի քայլ էր նախկին՝ շարիաթական դատարանների համեմատությամբ²:

Հայտնի է, որ XVIII դ. Օսմանյան կայսրության մեջ զորեղացան և դրեթե ինքնադիուս դարձան այսաները, Ջմյուռնիայի շրջանում կարասումանօղլուները: Վերահսկելով շատ թիմարների և դիամեթների հարկերը, հանդես գալով որպես մուքաթաաների հարկահավաք, կարասումանօղլուները իրենց հսկողության տակ առան նաև տեղական բամբակի մշակությունը և բամբակի դործվածքների առևտուրը: Նույնպիսի շահեկան վիճակում էր նաև Մանիսայի տոհմական մյուլթեսելիմը³: Սոցիալական այս շերտն էր, որ XVIII–XIX դդ. սահմանագծին թուլանալով և վերստին դիուս բարձրացնելով, դեմ դուրս եկավ թանգիմաթի բարեփոխումներին, որոնք սուլտանում էին նրանց տնտեսական ու վարչական հզորությանը: Թանգիմաթի ձա-

1 «Արչալույս արարատյան», 1846, № 258:

2 Նույն տեղում, 1851, № 381:

3 М. С. М е й е р. Османская империя в XVIII веке. М., 1991, с. 167–168.

խուժու.ո մեկնաբանություններով Հանդես եկան Դենիզլիի, Ագհիսարի, Աքչեհիլիի Հին կառավարիչները, որոնք մահմեդական բնակչությանը գրգռում էին «գյավուրների» դեմ և թանգրիմաթը ներկայացնում որպես նրանց հեղինակած կամ առնվազն նրանց օգտին հռչակված ակտ: Դենիզլիում Հին աղաները 1841 թ. պայքար էին սկսել Հաթթը շերիֆի բարեկարգումների դեմ: Քաղաքի նախկին կառավարիչը (մյուսեյլիմ) նոր նշանակված և իրեն փոխարինած նոր պաշտոնյայի, ինչպես և նորանշանակ շուրայի մեջլիսի անդամների դեմ բանասարկություններ էր սարքում և ժողովրդին գրգռում նրանց դեմ: Բանը Հասավ այնտեղ, որ խաբված ամբոխը հարձակվեց նոր իշխանավորների վրա՝ ծեծուջարդի ենթարկելով նրանց: Շուրայի դանձապետ Հայազդի Հակոբը հազիվհազ փրկվեց սպանվելուց⁴: Նույն կերպ, Աքչեհիլի կառավարիչ Աբդիլ բեյը մահացու ծեծ էր տվել տեղի Հայ հողաբարձուներին միայն այն բանի համար, որ նրանք բողոքել էին թանգրիմաթով վերացված հարկերը կրկին հավաքելու վերաբերյալ կառավարչի և շուրայի որոշման դեմ⁵: Թանգրիմաթի հռչակումից տարիներ անց, Ձմյուռնիայի շրջակայքի բնակավայրերում ոչ մահմեդականները դարձյալ տառապում էին նոր, կարծեցյալ «բարեկարգված» իշխանությունների կեղեքիչ դործողություններից: 1846 թ. սրանք Աքչեհիլիի Հայերին պարտադրում էին օթևան տալ այլևայլ պաշտոնյաների, զինվորների ջոկատների և այլն, տանտերերին հարկադրելով հողալ նրանց պարենի և առհասարակ ապրուստի խնդիրը՝ ապաստան տվողներին ակնհայտ վնաս հասցնելու դիտավորութայամբ⁶: Բարեկարգումները պահպանողականության շրջանում հանդիսեցին առավել ծայրահեղութայան հասցնող գործողություններ: Ձմյուռնիայի շրջակայքում, ինչպես և Ադրիանուպոլսում, Կոնիայում, Կեսարիայում և այլուր Ֆանաաիկոսները կաղմակերպեցին քրիստոնյաների ջարդերը և նման միջադեպերը կրկնվեցին կայսրութայան մեջ՝ 1856 թ. հաթթը Հյուսանից հետո Բալկաններում, Սիրիայում և այլուր⁷: Դեռևս 1851 թ. հաթթ-ի շերիֆի բարեկարգումների շրջանում Ձմյուռնիայի «Արշալույս արարատյան» թերթը Բուլղարիայում և Բոսնիայում թանգրիմաթի դեմ մահմեդական բնակչության հուզումները բացատրում էր իր «միլեթի» իրավիճակից թելադրվող հայեցակետից. «Այս խռովահույզ անձանց նպատակը, բավականապես հայտնի է ամենուն, որ վաղեմի ապօրինավոր արտոնությունները կուղեն պաշտպանել, զորոնք նոր բարեկարգությունները (թանգրիմաթ-ի խայրիյե) բոլորովին ջնջեց»⁸: Հին այանների մի մասը, սակայն, կարողացավ հարմարվել բարեկարգումներին՝ պահպանելով երբեմնի դիրքերը: 1843 թ. Մանիսայում իշխող տոհմական աղաներից քաղաքի կառավարիչն էր Կարասուման զադե էյուբը, որն իր աեղը, թեկուզ անունները փոխելու դնով, զիջել էր որդուն՝ Աադըբ բեյին: Վերջինս, ինչպես իր հայրը, շարունակում էր վերահսկել դատա-

4 «Արշալույս արարատյան», 1841, № 16:

5 Նույն տեղում, 1846, № 268:

6 Նույն տեղում:

7 И. Л. Ф а д е е в а. Официальные доктрины в идеологии и политике Османской империи. М., 1985, с. 75.

8 «Արշալույս արարատյան», 1851, № 387:

րաններն ու տուրքերը, սլարենի դները և կշեռքների ստուգումը շուկայում (վերահսկելով ապրանքների իրացումը) և ճկունություն ցուցաբերելով նոր կարգուկանոնի հանդեպ⁹:

Չնայած Թանզիմաթի բարեկարգումների մակերեսայնությանը, անհետևողականությանն ու ամբողջովին վերցրած՝ կիսատ-պուտ բնույթին, այն, իրոք, մի որոշ չափով նպաստեց, մանավանդ, կայսրության խոշոր քաղաքների ազգաբնակչության տնտեսական ու մշակութային կյանքի աշխուժացմանը: 1830–1860-ական թվականներին մի քանի անգամ աճեց ներմուծումը Ձմյուռնիայով, որի շնորհիվ այդ նավահանգիստը դառնում էր եվրոպական արտահանման ամենատարողունակ հանգույցը: Դրան մեծապես նպաստեց էգեյանի առափնյա շրջաններում երկաթուղու շահագործումը: Թանզիմաթի ժամանակաշրջանում թողարկվեցին Ձմյուռնիա-Այզըն, Ձմյուռնիա-Կասաբա, Ձմյուռնիա-Ալաշեհիր երկաթուղային ցանցերը՝ իրենց ճյուղավորումներով: Մասնավորապես, Ձմյուռնիա-Կասաբա երկաթուղին ընդգրկում էր Մանիսայի շրջանը, որն իր հերթին, դարձավ տեղի հայ և այլազգի առևտրականության տնտեսական գործունեության ծավալմանը դյուրատնտեսական արտագրանքի (այդեդործություն, բամբակագործություն) արտահանման բնագավառում: Ձմյուռնիայի հայ վաճառականությունը 1830–1860-ական թվականներին եվրոպա էր արտահանում բամբակ, բուրգ, չոր մրգեր, կաշի, ձիթապտուղ, ձուկ և այլ ապրանքներ: 1834 թ. Ձմյուռնիայի արտահանումը հասնում էր 112 մլն թուրքական պիաստրի, իսկ 1850 թ. կազմում էր 100–120 մլն. ֆրանկ, և այս ցուցանիշը սլետք է կրկնապատկվել հաջորդ տասնամյակներին¹⁰: Արտահանման գործընթացին ակտիվորեն մասնակցելուց բացի, զմյուռնահայ դրամատերերը որոշ, շատ ավելի քիչ չափերով, ներգրվում էին անում նաև արտագրության ոլորտում: 1840–60-ական թվականներին այստեղ գործում էր հայերի կտավի գործարանը՝ 400 աշխատատեղով, ինչպես և «Հասարակ անոթների»՝ ապակեգործական ապրանքների գործարան¹¹: Կտավի գործարանը, ի դեպ, գործել է 1790 թ. սկսած և դադարեցրել իր գործունեությունը Ձմյուռնիա-Կասաբա երկաթուղու շինարարության պատճառով¹²: Ինչ վերաբերում է «Թղթարանին», այն Ձմյուռնիայում կառուցել էր Հակոբ չելեպի Տյուզյանը. գործարանն ուներ 180 բանվոր և 1847 թվականին արագորում էր տարեկան 500000 օխա թուղթ¹³:

Թանզիմաթի դարաշրջանում ևս զմյուռնահայ վաճառականությունը պահպանում էր իր ավանդական կապերը եվրոպական արդյունաբերական կենտրոնների հետ, հիմնավորվելով Տրիեստում, Մանչեստրում և Վիեննայում: Դեռևս XIX դ. սկզբին Տրիեստում հայտնի էր Ապրոյան Աբրահամի ազգականի վաճառատունը, որն իրացնում էր Օսմանյան Թուրքիայից բե-

9 Նույն տեղում, 1843, № 164:

10 Ю. А. Петросян, А. Р. Юсупов. Измир. М., 1973, с. 21, 25.

11 Մարգիսյան, Տեղագրությունքի Փոքր և ի Մեծ Հայս. Վենետիկ, 1864, էջ 10: 12 Հ. Բոսյան. Հայքի Ձմյուռնիա. հ. Ա, Վիեննա, 1899, էջ 34–35:

13 «Եվրոպա», 1849, № 2: Օխա ծանրության միավոր. Օսմանյան կայսրությունում, իր չափերի տասանումներով հանդերձ, Կոստանդնուպոլսում կազմել է մոտ 1 կգ. 282 գ. (տե՛ս. Книга законов султана Селима I. Публ. текста, перевод, терминолог. коммент. и предисловие А. С. Тверитиновой. М., 1969, с. 76).

րած գյուղատնտեսական ապրանքներ¹⁴: Տրիեստում էին գործառուում Պետրոս Յուսուֆյանը՝ եգիպտոսի նշանավոր քաղաքական գործիչ Պողոս Յուսուֆյանի եղբայրը, արենակցական կապերի ընձեռած բոլոր հնարավորություններով հանգերձ, Ստ. Ապրոյանը, որը նույնպես եվրոպա էր արտահանում ոչ միայն Զմյուռնիայի շրջակայքի, այլև եգիպտական գյուղատնտեսական ապրանքներ, Գր. Աբելյան-Գուլասայանը և ուրիշներ¹⁵:

Անգլիական թեթև արդյունաբերության ապրանքները Օսմանյան թուրքիայում իրացնող ղմյուռնահայ վաճառականները հայտնի էին դեռևս 1838 թվականից, երբ Մանչեստրում հիմնվեց Գաբամաճյան եղբայրների վաճառատունը: Այնուհետև, այստեղ հաստատվեցին Սպարթալյան, «Պ. Պապո և ընկերք» առևտրական տները¹⁶: Հետագա տասնամյակներին Մանչեստրում են հաստատվել ղմյուռնահայ վաճառականներ Հ. Հովակիմյանը, Գաբամաճյանները, Կ. Աղջիկյանը, Հ. Կոստանդյանը, Կ. Էքիզյանը, Ե. Եսայանը, Օ. Շահումյանը, Խ. Վարպետյանը և ուրիշներ¹⁷: Մանչեստրում, և առհասարակ, եվրոպայում գործող հայ վաճառականների ջանքերն ու կապիտալները միավորելու փորձ արեց Հ. Հովակիմյանը՝ համախոհների հետ կաղմակերպելով «Արարատյան» ընկերությունը¹⁸, որը գործել է կարճ ժամանակ:

Թանգրամաթի ժամանակաշրջանում ղմյուռնաբնակ և շրջակայքի հայ վաճառականների մի այլ խումբ՝ շատ ավելի ստվարաթիվ, ներմուծում էր սուրճ, շաքար, ձեթ, լեղակ, մեղրամոմ, թեթև արդյունաբերական այլ ապրանքներ և արտահանում մետաքս, բուրդ, ափիոն, դեղորայք, գիտոր, սաթ և այլն: Առավել նյութական միջոցներ ունեցողները ներգրավված էին թանկագին քարերի՝ մարգարտի, ադամանդների, ոսկերչական այլ ապրանքների առևտրում¹⁹: Այս առևտուրը հենվում էր, մի որոշակի իմաստով, էսնաֆուլյունների տնայնագործական արտադրանքի վրա և այստեղ պետք է ասել, որ հայ համապատասխան գրականության մեջ հատուկենտ տեղեկություններ են պահպանվել Զմյուռնիայի առևտրաարհեստավորական էսնաֆուլյունների մասին: Առևտրական կորպորատիվ միությունները բավականաչափ ակտիվ էին նաև XIX դ. սկզբներին: Տ. Սավալանը հիշում է այս ժամանակաշրջանի մեծահամբավ մի վաճառականի, որը «ասուեղինի վաճառականաց արուեստապետն էր»²⁰: Պետք է մակաբերել, որ նույնատեսակ ապրանքների վաճառականները, ինչպես և արտագրողները, միավորված էին միևնույն կորպորատիվ միությունների մեջ: Թանգրամաթի ժամանակաշրջանում և գրանից տասնամյակներ հետո իրենց կենսունակություն էին պահպանել ռահեստավորական էսնաֆուլյունները՝ հացագործների, երկաթագործների, կտավագործների, մետաքսագործների, մաշակարների և այլն: Որևէ էսնաֆին վերաբերող գործերը, հումքի, ար-

14 «Արշալույս արարատյան», 1857, № 558:

15 Մ. Մաշտոցի անվ. Մատենադարան (այսուհետև՝ Մատենադարան), Կաթողիկոսական դիվան, թղթ. 129, վավ. 95:

16 «Արշալույս արարատյան», 1859, № 601:

17 Մ ու շ ե ղ ե ս ի ս կ ո ս ո ս. Մանչեստրի հայ գաղութը. Բոստոն, 1911, էջ 29-30: «Արշալույս արարատյան», 1863, № 700, № 1867, № 807:

18 Մ ու շ ե ղ ե ս ի ս կ ո ս ո ս. նշվ. աշխ., էջ 16-17:

19 Ղ. Ա լ ի շ ա ն. Քաղաքական աշխարհագրություն. Վենետիկ, 1853, էջ 545:

20 Տ. Ս ա վ ա լ ա ն. Կենսագրական հուշեր. Կահիրե, 1900, էջ 15:

աադրանքի, դրա որակի, գների և այլնի վերաբերյալ որոշումները այստեղ կայացնում էին էսնաֆի մեծ ժողովում (մեջլիս-ի քեբիր): Դժվար է ասել, արդյո՞ք այդ ժողովը միավորում էր արտամիլեթային (մազմեդական և ոչ մազմեդական միլեթներ) էսնաֆի ներկայացուցիչներին՝ միևնույն կամ հարակից առևտրաարհեստավորական դբադմունքների մեջ ընդգրկված մարդկանց, թե ոչ:

Մանչեստրում գմյուռնահայ առևտրականների գործունեությունը մեկուսի երևույթ չէր: Այն արդյունավետ էր դառնում Զմյուռնիայի նավահանգստում անգլիական ապրանքների արտահանման ակտիվացմամբ (որը Օսմանյան Թուրքիայում անգլիական ակտիվ քաղաքականությունից հետևանքն էր): 1856 թ. Զմյուռնիայի նավահանգստում ներմուծման ընդհանուր գումարի մեջ Անգլիային բաժին էր ընկնում ամենաշատը եվրոպական երկրների մեջ՝ 61 մլն 207 հազար ֆրանկ, Ավստրիային՝ 23 մլն, Ֆրանսիային՝ 21 մլն 500 հազար ֆրանկ²¹: Մանչեստրում գմյուռնահայ առևտրականությունը՝ ոչ միայն անգլիական ապրանքների իրացումը Օսմանյան Թուրքիայում, այլև վերջինիս գյուղատնտեսական ապրանքների վաճառքը Անգլիայում, թեկուզ և արտահանման փոքր ծավալներով, վկայում է վաճառականության ոչ միայն միջնորդի դերը, այլև ակտիվությունը արտահանման-ներմուծման գործընթացում:

Մինչև 1860 թ. սահմանագրությունը (Զմյուռնիայում այն կիրառվել է 1861թ. փետրվարից) գմյուռնահայ համայնքը օսմանյան պետության մեջ միլեթների համակարգի շրջանակներում ունեցել է ազգային վարչություն, որը կառավարել է ազգային հաստատությունները և կազմակերպել կրթական գործը: Այստեղ ևս, ինչպես Կոստանդնուպոլսում և հայաբնակ մյուս վայրերում, ազգային վարչության գլուխ էր կանգնած առաջնորդը, որը համայնքի կողմից ընտրված հոգաբարձուների հետ միասին կազմակերպում էր հարկեր հավաքելու, համայնքի եկամուտները պահպանելու և իրացնելու, ազգային հաստատությունների խնամքի և ֆինանսավորման գործը: Զմյուռնիայում շատ ինքնատիպ էր ազգային եկամուտները (որ ստացվում էին ս. Ստեփանոս և ս. Լուսավորիչ եկեղեցիներին պատկանող անշարժ գույքից, նվիրատվություններից, կտակներից և այլն) և դրանց առնչվող իրավական փաստաթղթերը պահելու ձևը: Դրանք պահվում էին «Խօրա ըսուած սնտուկում», որի հինգ բանալիները գտնվում էին համայնքի հինգ երեկի անձանց մոտ. առաջնորդի²², եկեղեցիների ավագերեցի, գանձապետի (գապգիմալ), իսկ մյուս երկուսը՝ պարզապես հեղինակավոր

21 «Արչալույս արարատյան», 1857, 26 հոկտեմբերի:

22 Մինչև 1826 թ. Զմյուռնիայի առաջնորդները (միաժամանակ կատարում էին նվիրակի պաշտոն) նշանակվում էին էջմիածնի կաթողիկոսների կողմից և Զմյուռնիան համարվում էր, կարծում ենք՝ XV դարից, էջմիածնի «տէրունի» թեմը: Սիմեոն կաթողիկոսի հիշատակարանում բավական ընդարձակ, բայց և ոչ սպառիչ, թվարկվում են այդ թեմի մեջ մտնող հայաբնակ բնակավայրերը (Դիվան հայոց պատմություն. Հ. 3, Թիֆլիս, 1912, էջ 798): Վավերագրերում վկայված Հնագույն առաջնորդը Պոնկոտո Կարապետն է 1610-ական թվականներին, որին Գրիգոր Կեսարացին հիշում է իբրև «Թիրայու և Իդմիրու և Մանիսայու առաջնորդ» (Գ. Ս Ր Վ ա ն ձ տ յ ա ն. Թորոս Աղբար. Հ. 2, Կ. Պոլիս, 1884, էջ 281): 1826 թ. Զմյուռնիան անցել է Կոստանդնուպոլսի հայոց պատրիարքարանի հոգևոր իրավասության ներքո, սակայն թեմը և ժողովուրդը միշտ էլ առանձնահատուկ կապեր են ունեցել էջմիածնի հետ:

և արժանահավատ երկու անձանց մոտ: Խորան բացվում էր այս բոլոր հինգ անձանց ներկայությամբ²³:

Ծիշտ չէ այն կարծիքը, թե մինչև 1861 թ. համայնքի վարչութիւնը չի ունեցել մյուսթեմալիական կարգ և դրանով իսկ, իբր, տարբերվել է Կ. Պոլսի հայ համայնքի վարչութիւնից: Խնդիրն այն է, որ Օսմանյան Թուրքիայում կրօնական և բարեգործական նպատակներով հատկացված գույքը, խոշոր գումարներն ու նվիրատվութիւններն չէին տնօրինվում այլ կերպ, քան վակֆային համակարգի միջոցով: Դա փոխադարձաբար ձեռնտու էր և՛ կրօնական հաստատութիւնն ու պետութիւնը, և՛ նվիրատուին (կտակարարին), որովհետև վակֆ արված արժեքը չէր հարկվում և նվիրատուն կարող էր տնօրինել դրա մի մասը և ժառանգութիւն թողնել: 1832 թ. Զմյուռնիայի առաջնորդ Գաբրիել եպիսկոպոսը Երուսաղեմի պատրիարքին գրված մի նամակում տեղի վարժարանի մասին տեղեկութիւններ հայտնելիս ավելացնում է. «Ըստ կարի իմումն աշխատեալ կարգադրեցաք այսչափ բարէջան միւթէվէլօք և իշխանօք քաղաքիս»²⁴: Վակֆային գույքի եկամուտները վերահսկում էին հենց այս մյուսթեմալիները, որոնք նաև «գործակալ» են հորջորջվում ղմյուռնահայ համայնքին վերաբերող վավերագրերում: Ս. Ստեփանոս եկեղեցին, ինչպես և ս. Լուսավորիչը տնօրինում էին անշարժ գույք խանութներ, տներ, այգիներ, պահեստներ և այլն, որոնց եկամուտների և կառավարման հարցերով զբաղվում էին հատուկ գործակալ-մյուսթեմալիները: 1820-ական թվականներին ս. Ստեփանոս եկեղեցու ամենակամտաբեր կալվածքներից մեկի՝ Ֆրեսկիսանի մյուսթեմալիութիւնը վարում էր մեծահարուստ Գրիգոր Պապոյանը, որի մահվանից հետո մյուսթեմալի է կարգվել Աստվածատուր Ապրոյանը²⁵: Նույն կերպ, ազգային վարչութիւն մեջ ընտրվում էին «տարեկան իշխաններ» հոգաբարձուներ, մեկ տարվա լիազորութիւնով²⁶: 1847 թ. մի վավերագրում ստորագրել են չորս հոգաբարձու և նրանց գործակիցները, որոնց թիվն արգեն հասնում է մեկ տասնյակի²⁷, իսկ նույն թվականի մի այլ վավերագրում հիմնավորվում է ազգային վարչութիւն կազմն ընդլայնելու անհրաժեշտութիւնը. «ծանրութիւն գործոյս պատճառս ետ գայլ նս տասն անձինս ազգովին գործակիցս որոշել չորից տարեկան հոգաբարձուաց»²⁸: Պատճառը ոչ միայն 1845 թ. աղետալի հրգեհի հետևանքների վերացման գծով

23 Մատենադարան, Կաթողիկոսական դիվան, թղթ. 167, վավ. 448: Ա. Ա յ վ ա զ - յ ա ն. Հոնիական հայ գաղութի նահապեաներեն. - «Արևելք», 1900, № 4409:

24 Մատենադարան. Մսերյանների արխիվ, թղթ. 206, վավ. 1474:

25 Ա. Ա յ վ ա զ յ ա ն. նշվ. աշխ.:

26 «Տարեկան իշխանները» նույն մյուսթեմալիները, Զմյուռնիայում գործում էին թանգիմաթից գեռ շատ առաջ: 1833 թ. մարտի 14-ի թվակիր մի վավերագրում ուղղված էջմիածնի կաթողիկոսին, կա տարեկան երեք իշխանների ստորագրութիւն (Մատենադարան, Կաթողիկոսական դիվան, թղթ. 78, վավ. 142 ա): Ուշագրավ է, որ արգեն թանգիմաթի ժամանակաշրջանում, 1841 թ., Զմյուռնիայի շուրայի (քաղաքային ներկայացուցիչների ժողով) վերաբերյալ ֆերմանով այդ ժողովի անդամները միայն մեկ տարով պետք է վարեին իրենց պաշտոնը («Արշալույս արարատյան», 1841, № 53): Զմյուռնահայերի տարեկան իշխանների թիվը 1830-ական թվականներին (հավանաբար՝ դրանից էլ առաջ) հասնում էր չորսի:

27 Մատենադարան, Կաթողիկոսական դիվան, թղթ. 129, վավ. 207:

28 Նույն տեղում, թղթ. 130, վավ. 335:

րուծյուններն էին, այլև համայնքի վարչութիւնն աղատականացնելու տրամադրութիւնները, որոնք պայմանավորված էին թանգրիմաթով:

Առանձին հոգաբարձուներ էին ընտրվում վարժարանների դործերը վարելու համար («մասնավոր ժողով»): Նշանակվում էր նաև էջմիածնի վակֆների հատուկ վերակացու: Երբ Ձմյուռնիան անցավ Կ. Պոլսի պատրիարքութեան իրավասութեան ներքո, մինչև 1852 թ. խզված մնացին Սայր Աթոռի և հայ համայնքի դարավոր հարաբերութիւնները: Ներսես կաթողիկոսի ժամանակ դրանք վերականգնվեցին, հասկանալի է, ոչ երբեմնի նվիրապետական հիմունքներով, այլ վակֆային-սեփականատիրական շրջանակներում: Ձմյուռնիայում էջմիածնի կալվածքների կառավարիչ նշանակվեց Թ. Չելիկը: Կաթողիկոսին գրած նրա մի հաշվետվութեան մեջ հիշվում են էջմիածնի անշարժ կալվածքները՝ այգիներ, տներ և այլն²⁹:

Ազգային վարչութեան մեջ ընտրվում էին նաև ս. Ստեփանոս եկեղեցու տեսուչ, հիվանդանոցի հոգաբարձու և համայնքի կողմից համաքաղաքային շուրայի մեջլիսի ներկայացուցիչ³⁰: Վարչական այս կառուցվածքը փաստորեն սլահպանվել է մինչև 1860 թ. արևմտահայերի ազգային սահմանադրութիւնը՝ ժամանակի ընթացքում կրելով մասնակի փոփոխութիւններ:

Ազգային վարչութեանը հիմնականում անդամակցել են հարուստ վաճառականներ, ինչպես և միջին խավերի՝ առևտրաարհեստավորական կորպորացիաների գլխավորներ: Դասային ներկայացուցչութեան գրեթե նույն մոգելը դործում էր Կ. Պոլսի հայ համայնքում: 1844 թ. պատրիարքի գլխավորութեամբ այստեղ ստեղծվել էր «երեսնից ժողով», որի կազմի մեջ էին մտել ոչ միայն ամիրաներ ու դրամատերեր, այլև էսնաֆի ներկայացուցիչները³¹: Եվ մեկ, և մյուս դեպքերում ազգային վարչութեան կազմի ընդլայնումը կրում էր թանգրիմաթի բարեկարգումների կնիքը, որ ի հայտ էր գալիս առևտրաարհեստավորական խավերի ներկայացուցչութեամբ³²:

Հիշելով, 1850 թ. էլ ավելի ներկայացուցչական դարձավ գմյուռնահայ համայնքի վարչութիւնը. ընտրվեց 40 մարդուց բաղկացած հոգաբարձութիւն, որոնք Ցական անդամներով բաժանվեցին հինգ խմբերի և խմբերից յուրաքանչյուրն իր պաշտոնը պետք է վարեր մեկական տարի, մինչև 1854 թ.³³: Այսպիսով, ազգային վարչութիւնը վարելու էին ոչ միայն սոցիալական տարբեր խավերի ներկայացուցիչները, այլև այդ տարբերութիւնը ներկայացնելու էին հերթագայող, ոչ միևնույն անձինք: Այստեղ, պետք է ավելացնել, որ Ձմյուռնիայում ամիրաներ չեն եղել, ինչի հակառակն են պնդում Հ. Քոսյանը և նրա հետևորդները, այլ հեղինակ-

29 Նույն տեղում, թղթ. 167, վավ. 448:

30 «Արշալույս արարատյան», 1847, № 281:

31 Ա. Հ ո վ հ ա ն ն ի ս յ ա ն. Նալբանդյանը և նրա ժամանակը. հ. 1, Երևան, 1955, էջ 345:

32 Էսնաֆի ներկայացուցչութեան ընդլայնումը ամենևին չէր կարող մեղմել սոցիալական հակասութիւնները, որոնք ի հայտ էին գալիս նաև գրավոր բողոքների ձևով: 1841 թ. աշնանը գմյուռնահայ երեւիլիների դեմ տարածվել էին «անարժան ու անճոռնի ոտանավորներ», որոնք, «Արշալույս արարատյանի» կարծիքով, հետամտում էին «ազգերնիս նախատելու ու միամիտ հասարակութեան միտքը պղտորելու նպատակը» («Արշալույս արարատյան», 1841, № 60):

33 «Արշալույս արարատյան», 1850, № 355:

ներ: Հ. Քոսյանը կարծում է, թե մինչև 1860 թ. սահմանադրութունը ղմյուռնահայ համայնքը կառավարվում էր «ամիրաներու իշխանության ներքև»³⁴: Բայց ամիրայութունը և ամիրաները զուտ պոլսահայ երևույթ էին, այս տիտղոսը կրող մարդիկ իրենց յուրահատուկ սոցիալական կարգավիճակով, օսմանյան իշխանութունների կողմից նույնիսկ ժառանգականորեն ճանաչված լինելով (ոչ իրավականորեն, այլ սովորութի ուժով՝ որոշակի պաշտոններ միմյանց փոխանցելու իրողությամբ) հանգերձ, հրապարակ են իջել Կ. Պոլսում 1750-ականի սկզբներից: Բոլորովին այլ հարց է արդեն, որ ամիրաները գործել են նաև գավառներում, իբրև փաշաների սեղանավորներ, հարկահավաքման գործի կազմակերպիչներ, շինարար-ճարտարապետներ և այլն: Միայն պոլսահայ համայնքում էր, որ նրանք ստանում էին իրենց յուրահատուկ դիրքի և տիտղոսի հաստատումը:

Զմյուռնիայում հայ լուսավորչական համայնքից առանձնացած էին հայ կաթողիկոսները³⁵, որոնց կրոնական սպասարկումը 1830 թ. հետո իրականացնում էին լատին կապուչինները: Թանգրիմաթի ժամանակաշրջանում նրանք բնակվում էին, բացի Զմյուռնիայից, նաև շրջակա բնակավայրերում և զբաղվում էին առևարով կամ ընդգրկված էին հարկահավաքման համակարգի մեջ (ուշրի վարձակալում)³⁶: 1840 թ. ի վեր այս տարածաշրջանում նրանց հոգևոր սպասարկումն իրականացրել են Վիեննայի մխիթարյանները, որոնք այս ժամանակներում հիմնել էին վանատուն (դպրոց)³⁷: Առևտրական գործունեության թելադրանքով կամ իլթիզամի համակարգի ոչ արդյունավետության հետ կապված՝ Զմյուռնիայի շրջակայքի հայ կաթողիկոսները աստիճանաբար տեղափոխվել են Զմյուռնիա կամ էլ Կ. Պոլիս:

Զմյուռնահայության հնագույն հաստատութունը մնում էր ս. Ստեփանոս եկեղեցին³⁸, որի հասույթները տրամադրվում էին համայնքի ազ-

34 Հ. Քոսյան. Հայքի Զմյուռնիա. հ. Ա, էջ 106–107:

35 Կաթողիկոսները Զմյուռնիա և շրջակայք էին դաղթել դեռևս 1747 թ.՝ Նախիջևանի Զահուկ դավառից և Նոր Զուղայից, Թովմաս Իսավերդեցի գլխավորությամբ (Հ. Քոսյան. Նշվ. աշխ., էջ 306): «Էգեյանի ափերն հասան ավելի քան հազար մարդ՝ կաթողիկ պարսկահայերից», ինչպես անվանում էին իրենց այդ դաղթականները, հիմնականում վաճառականներ (այդ դաղթականության մասին տես Մ-Ս. Սմիրնելիսի ուշադրավ աշխատութունը) (M.-C. S m y r n e l i s. Les Armeniens catholiques de Smyrne aux XVIIIe et XIXe et siecles Revue du monde Armenien. T. 2, Paris, 1995–1996).

1748 թ. նրանք դիմել են օսմանյան իշխանութուններին՝ Զմյուռնիայում մատուցելու խնդրանքով (Ղ. Ա ի շ ա ն. Սիսական. Վենետիկ, 1893, էջ 407): 1762 թ. Զմյուռնիայում և Թիրազիրում նրանցից մնացել էր 700 մարդ, իսկ մնացածները հեռացել էին Էգեյանի շրջաններից: Հայ կաթողիկոսներով Զմյուռնիան համալրվեց 1790-ական թվականներին, որոնք եկել էին էնկյուրիից: Հետագայում նրանց մի մասը րնակութուն էր հաստատել Այդընում և Նագիլիում:

36 Հ. Քոսյան. Հայքի Զմյուռնիա. հ. Բ, էջ 43:

37 Հ. Քոսյան. Յիսնամեայ յոբելեան հանդէս հաստատութեան վանատան Մխիթարեանց որ յԱյտըն. «Հանդէս ամսօրեայ», 1903, № 6, էջ 181–183:

38 Ս. Ստեփանոս եկեղեցու ամենավաղ հիշատակությանը հանդիպում ենք 1625 թ. մի ճառընտիրում, որտեղ այն կոչվում է «ս. Ստեփանոս նախավկայ» (Հայերեն ձեռագրերի հիշատակարաններ, Ժէ դար 1621–1640). հ. Բ, կազմ. Վ. Հակոբյան, Ա. Հովհաննիսյան. Երևան, 1978, էջ 187: XVII դ. ս. Ստեփանոսի հետ միասին (և կամ առանձին) հիշվում է նաև ս. Բարդուղիմեոս եկեղեցին, որի անվանը վերջին անգամ հանդիպում ենք 1695 թ. (Մատենագրարան, ձեռ. 656. էջ 93 ա):

գային կառույցներին՝ դպրոցներին, ս. Լուսավորչյան Հիվանդանոցին, Վճռաբանական ճարտարապետական և Հոգևոր կարիքներին: Զմյուռնիայի առաջնորդությունը, որի մեջ մտնում էին էդեյանի Հայաբնակ մյուս տարածքները, 1838–1842 թթ. գլխավորում էր Պ. Թագ-Թագյանը, 1842–1845 թթ.՝ Մատթեոս Չուխաճյանը, որի սլատրիարք ընտրվելուց հետո Թագ-Թագյանը վերստին ստանձնեց Զմյուռնիայի առաջնորդությունը մինչև 1863 թ., երբ իր հերթը եկավ պատրիարք ընտրվելու: 1863–1872 թթ. Պ. Թագ-Թագյանի առաջնորդության վերջին շրջանն էին Զմյուռնիայում:

1801 թ. ի վեր գործում էր ս. Լուսավորչյան ազգային Հիվանդանոցը: 1842 թ. հիմնվում է համանուն եկեղեցի՝ Հիվանդանոցի Հոգաբարձու Ավ. էքիզյանի ակտիվ մասնակցությամբ, «քարաչէն, կամարակապ ու զեղատեսիլ»³⁹: Հիվանդանոցին կից նույնանուն եկեղեցի կառուցելը նպատակ ուներ Հիվանդանոցն ապահովել այդ եկեղեցու Հասույթներով: Եկեղեցին և Հիվանդանոցը նորոգվել են 1879 թ.: Սպարթալյանների ծախքով⁴⁰:

Զմյուռնահայերի պարծաքն էր ս. Մեսրոպյան վարժարանը, որ XVIII դ. վերջին քառորդին հիմնել էին Ապրոյանները⁴¹: Վարժարանի առաջին տեսուչն է եղել ժամանակի ճանաչված բանաստեղծ և մանկավարժ Հ. Վանանդեցին՝ «Ոսկի դար Հայաստանի» և այլ երկերի հեղինակը: 1831 թ. նրան հաջորդեց Ա. Ռ. Փափաղյանը: Պետրոս Յուսուֆյանի նվիրատվության շնորհիվ 1830-ական թվականներին նա վարժարանում մտցրեց ֆրանսերենի և անգլերենի ուսուցում: Լինելով իր ժամանակի կրթված և լայնախոհ մտավորականներից մեկը, Ա. Փափաղյանը ս. Մեսրոպյանի սաների ուժերով կաղամակերպել է դպրոցական թատրոն, ինչպես և տպարան, որտեղ տպագրվել են այդ դպրոցի աշակերտների ստեղծագործությունները: 1856 թ. Ա. Փափաղյանը թողեց վարժարանի տեսչությունը՝ համայնքի դպրոցների ծրագրի և գասացանկի, ինչպես և կրթական բովանդակության շուրջ զմյուռնահայ սլաշսլանողականության հարուցած սուր վեճերի պայմաններում: Ուշագրավ է, որ այդ դպրոցների վարչությունը կախում չի ունեցել առաջնորդարանից՝ ի տարբերություն առհասարակ ժամանակի

39 Ա տ ո մ, Իզմիրի ս. Լուսավորչյան Հիվանդանոցը և իր տեղեկագրերը. «Արևելք», 4. Պոլիս, 1902, № 4965:

40 Հ. Ք ո ս յ ա ն. Հայք ի Զմյուռնիա. հ. Ա, էջ 172–173: Դարասկզբին Զմյուռնիայում Հիվանդանոցներից 4-ը սլաականում էր եվրոպացիներին, մեկական՝ հույներին և հայերին: Քաղաքի բնակչության ընդհանուր թիվը կազմում էր 130 հազար մարդ, այդ թվում 55 հազար հույն, 45 հազար մահմեդական, 13 հազար հրեա, 12 հազար եվրոպացի և 5 հազար հայ («Բազմավեպ», 1847, № 2, էջ 28):

41 Հ. Ք ո ս յ ա ն. Հայք ի Զմյուռնիա. հ. Ա, էջ 124: Վարժարանը ս. Մեսրոպյան է կոչվել հիմնվելուց շատ հետո, 1836 թ. ոչ շուտ: 1834 թ. կառուցվել է նրա նոր շենքը, ընդունվել ուսումնական նոր ծրագիր: Ներսես Աշտարակեցուն գրած իր նամակին (15 մայիսի, 1834 թ.) Ա. Փափաղյանը կցել է վարժարանի ծրագիրը, որտեղ այն պարզապես կոչվում է «ուսումնարան հայոց» (Մատենադարան, Մեսրոպյանների արխիվ, թղթ. 206, վավ. 1479): Նույնին ուղղված՝ 1835 թ. մարտի 20-ի թվակիր նամակում Ա. Փափաղյանը այդ հաստատությունը կոչում է «վարժարան», «ուսումնարան» և «դպրոց» դարձյալ առանց որևէ անվան (նույն տեղում, թղթ. 206, վավ. 1482): 1836 թ. տպագիր մի ազգում, առաջին անգամ նշվում է դպրոցի անունը՝ «Հանդէս տարեկան հարցաքննութեան ուսմանց աշակերտացն Մեսրոպեան դպրատան: Ի Զմիւռնի, յաւուր կիւրակէի ի 19 յունուարի. 1836» (Մատենադարան, Կաթողիկոսական դիվան, թղթ. 89, վավ. 252):

այլ հայկական դպրոցներին: Այն տնօրինել են աշխարհական հոգաբարձուները՝ թանգրիմաթից էլ առաջ⁴²:

Ս. Մեսրոպյանը հռչակված էր Զմյուռնիայի սահմաններից շատ հեռու. այստեղ ուսանելու էին դալիս բազմաթիվ աշակերտներ՝ Կ. Պոլսից և հայաբնակ այլ վայրերից: Համազգային որակների այդ դպրոցի մասին էր «Արարատում» գրում Գ. Պատկանյանը՝ այն համարելով նոր Աթենք բոլոր հայերի համար⁴³: Այստեղ են սովորել XIX դ. երկրորդ կեսի այնպիսի խոշոր դեմքեր, ինչպիսիք են Ատ. Ոսկանյանը, Մ. Մամուրյանը, Գր. Ջրիկնկիրյանը, Մ. Նուպարյանը, Գր. Մսերյանը և շատ ուրիշներ, որոնք զարգացման բարձր աստիճանի հասցրեցին հայ մամուլը, հրապարակաստույթունը, գեղարվեստական գրականությունը և մանկավարժական միտքը:

1820 թ. հետո, Ն. Քոսյանի կարծիքով՝ 1830–1835 թթ. է հիմնվել Զմյուռնիայի իգական ս. Հռիփսիմյան վարժարանը⁴⁴: Կարելի է, սակայն, կարծել, որ վարժարանը դործել է 1820-ական թվականներին, բայց առանձին չենք է ունեցել 1840 թ. կամ դրանից ոչ շատ առաջ: 1841 թ. փետրվարին, տարեկան քննությունների ժամանակ, այդ վարժարանի հոգաբարձու Ղ. Պաղաղարյանը իր ելույթում հայտնում է. «Ահա գեղեցիկ ու ընդարձակ դպրատուն մը հատուկ ձեզի համար շինուեցաւ»⁴⁵:

Շենքը կառուցել էր վրեննաբնակ վաճառական Ն. Սարգսյանը: 1845 թ. հրդեհին այն այրվեց և վերստին կառուցվեց 1849 թ., կրկնահարկ և ավելի ընդարձակ տիկ. Հո. Կոստանդյանի ծախքով, վերանվանվելով ս. Հռիփսիմյան վարժարանի: 1840–1850-ական թվականներին զմյուռնահայերի դպրոցները միավորված էին միևնույն տեսչությունների և այս դրույթունը պահպանվեց մինչև դարավերջ: Թանգրիմաթի տարիներին ս. Մեսրոպյանն ունեցել է 250–300 աշակերտ, ս. Հռիփսիմյանն ավելի պակաս՝ 150–300:

Ս. Մեսրոպյանի շենքը անվթար մնաց 1845 թ. հրդեհի ժամանակ. «Արշալույս արարատյանը» 1847 թ. գրում էր, որ այդ վարժարանի շենքը չի այրվել⁴⁶, մինչդեռ իգական դպրոցի աշակերտուհիները հաճախում էին «Քորք ողորմութեան ըստած հոռմեական միաբանությունի գալրոցը»⁴⁷:

Քաղաքում գործում էին նաև այլ ազգային դպրոցներ, ինչպես Ռեֆորմացոյի ֆրանսիական դպրոցը՝ լեզուների և բնագիտական առարկաների բարձրորակ ուսուցմամբ, հունական ոչ ազգային դպրոցը՝ լեզվական և

42 Մատենադարան, Մսերյանների արխիվ, թղթ. 206, վավ. 1477, 1481, 1482:

43 «Արարատ», 1850, № 13:

44 Ն. Քոսյան. Հայքի Զմյուռնիա. հ. Ա, էջ 137:

45 «Արշալույս արարատյան», 1841, № 22:

46 Նույն տեղում, 1847, № 289: Հակառակ դրան, ս. Մեսրոպյանի վարժապետ Ն. Շահինյանը ներսես կաթողիկոսին ուղղված՝ 1849 թ. նոյեմբերի 3-ի նամակում գրում է. թե չորս տարի է, ինչ ս. Մեսրոպյանի շենքը վերածվել է ավերակի՝ «որ ի բաղմավտանգ հրդեհէ անտի ցարդ աճիւնացեալ մնայ...» (Մատենադարան, Կաթողիկոսական դիվան, թղթ. 149, վավ. 750): Վարժապետը իրողությունը թանձր գույներով է ներկայացրել, հավանաբար, կաթողիկոսի ուղարկությունը նյութական անձկություն մեջ ընկած ս. Մեսրոպյանի վրա սևեռելու նպատակով:

47 «Արշալույս արարատյան», 1847, № 286:

առևտրագիտության թեքումով, կաթոլիկների դպրոցը՝ խուլուհամբերի համար և այլն⁴⁸:

1850 թ. Զմյուռնիայում բացվեց հայկական երկրորդ արական դպրոցը՝ Աղաբեկյան վարժարանը, որի տեսուչներն էին հետագայի հանրահայտ մտավորական դործիչներ Մ. Աղաբեկյանը և Մ. Մամուրյանը: Կարճ ժամանակ անց, կառուցվեց վարժարանի ընդարձակ շենք և ձեռնարկվեց երկսեռ ուսուցում, որ նորույթ էր արևմտահայ իրականության մեջ: Եվրոպական մանկավարժական սկզբունքների կիրառումն էր այս դպրոցում, որ պետք է պատճառ գառնար պահպանողական ուժերի դիմադրությունը: Համենայն դեպս, դպրոցը չի հիշվում 1852 թ. հետո, որ վկայում է դրա կարճատև գոյության մասին⁴⁹: Զմյուռնիայում մասնավոր դպրոց էր բացել նաև Տ. Սավալանյանը, դարձյալ 1850-ական թվականներին, որն ուներ մոտ 40 աշակերտ⁵⁰: Այս դպրոցը ևս աչքի չի ընկել իր երկարակեցությունը և որևէ հետք չի թողել զմյուռնահայ դպրոցի պատմության մեջ:

Թանգիմաթի շրջանում էգեյանի տարածաշրջանի հայության լուսավորական-կրթական կյանքին, անշուշտ, նպաստեց 1856 թ. հաթթով համայնքներում հանրակրթական դպրոցներ բանալու թուլյավությունը⁵¹, թեև պետք է ասել, որ դեռևս թանգիմաթից շատ առաջ գավառական բնակավայրերում հայերն ունեին իրենց դպրոցները: Այսպես, 1832 թ. էյդեմիշում կառուցվել էր տեղի դպրոցը՝ Օ. Զուլֆայանի ծախքով⁵²: Թանգիմաթից առաջ է հիմնվել Մանիսայի ս. Լուսավորչական երկսեռ դպրոցը (Վարի թաղում. կար նաև Վերի թաղ): Մանիսայում «Ազգասեր» ընկերությունն նպատակներից մեկը հենց տեղի դպրոցների «բարեկարգություն» հոգ տանելն էր:

Ազգային դպրոցները թվաչափ դարձան 40-ական թվականներին: Փաստերը ցույց են տալիս, որ էգեյանի շրջանի հայերը, անկախ իրենց թվաքանակից, չնչին իսկ հնարավորությունն օգտագործում էին իրենց գավակներին ուսման տալու համար: Այսպես, Սյոքեի հայերը, որոնց քանակը 1870-ական թվականներին չէր անցնում 15 տնից, առանց ուսման չեն մնացել, հաճախել են տեղի հույների դպրոց, իսկ նույն ժամանակներում Գուլատայի 29 տուն և Բայանդրի 40 տուն կազմող հայերն ունեին իրենց սեփական դպրոցներ⁵³:

էգեյանի առափնյա գաղթավայրերի հանրային կյանքում շատ կարևոր գեր են ունեցել կրթական-բարեսիրական և մշակութային ընկերություններ:

Զմյուռնահայերի առաջին ընկերությունը ունեցել է բարեգործական բնույթ և կազմակերպվել է 1841 թ. օգոստոսից առաջ, հրգեհից տուժած աղգակիցներին աջակցելու նպատակով. այն դրամ և հագուստեղեն էր

48 Նույն տեղում, 1845, № 242, 1842, № 58, 1848, № 305:

49 Նույն տեղում, 1852, № 421:

50 Տ. Սավալանյան. Նշվ. աշխ., էջ 38-39, 88:

51 Ա. Փատիսյան. Թուրքական վավերագրական նյութեր Օսմանյան կայսրության ոչ մահմեդական ժողովուրդների մասին (1839-1915 թվականներ). Երևան, 2002, էջ 31: Մ. Ա. Փատիսյան. Նշվ. աշխ., էջ 64:

52 Տ. Սավալանյան. Նշվ. աշխ., էջ 99:

53 «Արևելյան մամուլ», 1879, № 3, էջ 437-439:

Հայթաղթում «բազմաթիվ խեղճերու Համար»⁵⁴: Թե որքան ժամանակ գործեց այդ ընկերությունը և ովքեր էին դրա անդամները, Հայտնի չէ:

Զմյուռնիայում և շրջակայքում իր գործունեություն լայն շառավիղներով և նյութական հնարավորություններով անգերազանցելի մնաց նույն ժամանակներում հիմնված «Սյունյաց» ընկերությունը (1841–1850-ական թվականների սկիզբ): Ընկերությունը հիմնվել էր զմյուռնահայ մտավորականության նախաձեռնությամբ, որին նախապես նպաստեցին Տրիեստի վաճառականները: Կարճ ժամանակ անց, ընկերությանն անդամակցեցին երևելի դրամատերերը. Տրիեստից՝ Պ. Յուսուֆյանը, Ա. Ապրոյանը և Գր. Աբելյանը, Հ. Սարգսյանը՝ Վիեննայից, Տատյանները՝ Կ. Պոլսից, ինչպես նաև Բաղդադի, Մադրասի, Բոմբեյի և այլ վայրերի վաճառականները: «Սյունյաց» ընկերությանն իրենց նյութական ու մտավոր մասնակցությունը բերեցին Թիֆլիսի, Շուշիի և այլ քաղաքների կարողության տեր Հայեր, այն վերածվեց համազգային կազմակերպության:

Ընկերության նպատակն էր ըստ ամենայնի նպաստել Զմյուռնիայի և շրջակայքի Հայերի մեջ կրթության տարածմանը, ս. Մեսրոպյան դպրոցում ձեռնարկել բնագիտական առարկաների ուսուցում: Նրա ջանքերով դպրոցներ հաստատվեցին էյդեմիչում, Այգընում, Գրգաղաճում, Կասաբայում, Մենեմենում և այլուր: Ընկերությունը դպրոցներ էր բացել նաև Վառնայում (Բուլղարիա) և Դարգանելի շրջանում: Մինչև 1849 թ. ընկերության հոգաբարձուն էր «Արչալույս արարատյան» թերթի խմբագիր Ղ. Պալգազարյանը⁵⁵: Ի դեպ, տրիեստարնակ Հայ վաճառականները ընկերության մեջ էին ներգրավել նաև իրենց օտարազգի գործընկերներին, որոնցից էր հույն Սարիտակին, որը զգալի նյութական աջակցություն էր ցուցաբերել «Սյունյացին»⁵⁶: Ռուսաստանից ընկերությանը դրամական առատ նպաստներ էին հատկացրել Լազարյանները, իր աջակցությունը բերեց նաև կաթողիկոս Ներսես Աշտարակեցին:

Սակայն ընկերության գլխին ամպեր էին կուտակվում, գլուխ էր բարձրացրել երկպառակությունը՝ մասնավորապես նրան առնչվող որոշ հոգևորականների մեջ: «Սյունյացի» ատենապետ Գր. Մարկոսյանը 1844 թ. հուլիսի 30-ի իր նամակում խնդրում էր կաթողիկոսին՝ կանգնել ընկերության գլուխ, որպեսզի «անվտանգ մնասցէ ընկերութիւնն մեր ի չարութենէ ու մանց հոգևորականաց մերոց, որք շարժեալ ի վարդապետական փառասիրութենէ և յուսումնատեցութենէ՝ անօգուտ ջանային... տապալել ընկերութիւնն մեր ոչ երկար ժամանակ յառաջ»⁵⁷:

1845-ի հունիսի 21-ի հրգեհը⁵⁸ ծանր հարվածներ հասցրեց ոչ միայն «Սյունյաց» ընկերությանը, այլև ամբողջ համայնքին: Այրվել էր քաղաքի

54 «Արչալույս արարատյան», 1841, № 49:

55 Նույն տեղում, 1851, № 380:

56 «Բյուզանդիոն», 1905, № 2722:

57 Մատենադարան, Կաթողիկոսական դիվան, թղթ. 110, վավ. 100:

58 Զմյուռնիան հաճախակի է պայրել տարերային աղետներ, հրդեհներ ու համաճարակներ: Հայտնի են մասնավորապես, 1797-ի և 1841-ի կործանարար հրդեհները, որոնք մոխրակույտի էին վերածել քաղաքի ամբողջ թաղամասեր. 1841-ինը տևել էր 17 ժամ և մեծ ավերածություններ գործել հրեաների, մահմեդականների և հույների թաղերում: Հայոց թաղը համեմատաբար թեթև կորուստներ էր կրել: Քաղաքի փայտաչեն տներն ու նեղլիկ փողոց-

մեկ քառորդ մասը, գրեթե ամբողջ Հայոց թաղը՝ ս. Ստեփանոս եկեղեցին, տներ ու խանութներ, «Արշալույս արարատյանի» տպարանը, իգական վարժարանը և այլն: Ջմյուռնիայի հայերի 800 տնից անվնաս էր մնացել միայն 40-ը (ամբողջ քաղաքում այրվել էր 3500 տուն, այդ թվում՝ հույնների թաղում 1000 տուն)⁵⁹: Նյութական այս աղետից հետո «Սյունյաց» ընկերությունն այլևս ուշքի չեկավ: Այն իր գոյությունն անվանապես պահպանեց ևս մի քանի տարի և գագարեց հաջորդ տասնամյակի սկզբներին⁶⁰:

Շատ ավելի համեստ գործունեություն էր սկսել «Արգածունյաց» ընկերությունը (1843–1845), որ ծրագրել էր թարգմանական երկեր հրատարակել: Դրա տպարանում տպագրվեցին մի քանի գրքեր, ինչպես և Ջմյուռնահայ երկրորդ թերթը՝ «Հայրենասերը» (1843–1846): Հայտնի է նաև 1844 թ. մայիսին կազմակերպված «Հայկազնյան» ընկերությունը. այն ևս ուներ կրթական ուսումնական նպատակներ, պետք է տպագրեր պատմական ու բարոյախոսական բովանդակության գրքեր: Ընկերության հիմնադիրներն էին Տ. Սավալանյանը, Ա. Տետեյանը, Վ. Սարգսյանը և ուրիշներ: Ինչ տեղեկություններ կան այս ընկերության մասին:

«Սյունյաց» ընկերության դրամատիկ վախճանը սառեցնող տրամադրություններ պետք է ստեղծեր Ջմյուռնահայ գաղթօջախում. համենայն դեպս, մինչև 1850-ականի վերջն այստեղ որևէ նոր ընկերություն չստեղծվեց: 1859 թ. միայն կազմակերպվեց «Հաշտենից» մշակութային ընկերությունը: Դրա ատենադպիրն էր ընկերություններ կազմակերպելու մեջ փորձառու դարձած Տ. Սավալանյանը, անդամակցում էին գործիչներ Տ. և Ա. Տեաեյանները, Ղ. Մամուրյանը, Մ. Ս. Վանանդեցին և ուրիշներ⁶¹: Հաջորդ 1860 թ. ընկերության ուժերով Ջմյուռնիայում հրատարակվեց ժողովրդավարական ուղղություն ունեցող «Միություն» հանդեսը:

Ջմյուռնահայ տպագրության պատմության նոր շրջանը սկսվում է ամերիկացի բողոքական միսիոներների գործունեությունից, նրանք տպագրում էին կրոնական և ուսումնական բնույթի գրքեր: 1839–1854 թթ. այդ տպարանը կոչվում էր Հ. Հալլոքի, ասպ. Դ. Գրիֆիտի և Ա. Ջերչիլի անունով, այստեղ էր տպագրվում բողոքականների «Շտեմարան պիտանի դիտելյաց» ամսագիրը⁶²: Իր նյութերի հետաքրքրությունից և տպագրական կուլտուրայով մանուկների համար հրատարակվող այս ամսագիրը չույս էր տեսնում հղկված հայերենով, որ, անշուշտ, իր դրական ազդեցությունն է թողել Ջմյուռնահայ մամուլի գործիչների վրա:

Թանգիմաթի տարիներին՝ 1840-ական թվականներին գործում էին «Արշալույս արարատյանի», Ստ. Պապոյանի և Մեսրոպյան վարժարանի տպարանները: Մեսրոպյանի տպարանը զերծ էր մնացել 1845-ի հրգեհի ավերածությունից: Այստեղ է տպագրվել Ղ. Պալաղարյանի «Արշալույս արարատյանի» տպարանը:

ներն ինքնին նվաստում էին կրակի տարածմանն ու տեղականությունը («Արշալույս արարատյան», 1841, № 43):

59 Մատենադարան, Կաթողիկոսական դիվան, թղթ. 116, վավ. 28ա, թղթ. 121, վավ. 92: Ա. վ. Պ եր պ եր յ ա ն. Պատմություն Հայոց. Կ. Պոլիս, 1871, էջ 313–314:

60 «Բյուզանդիոն». 1905, № 2706:

61 «Արշալույս արարատյան», 1859, № 601:

62 Գ. Լ և ո ն յ ա ն. Հայոց պարբերական մամուլը: Լիակատար ցուցակ. Երևան, 1934, էջ 5:

րարատյանը»՝ իր տպարանն այրվելուց հետո, ինչպես գրում է Ա. Ալպոյաճյանը⁶³: Իր հրկարակեցությամբ և հրատարակչական կարողություններով 1840-ական թվականներին տպարանների մեջ առանձնանում էր Թաթիկյան վիմագրատունը: Այն տպագրում էր նաև եվրոպական և արևելյան լեզուներով գրքեր, պարբերականներ, հայտարարություններ և այլն: Թաթիկյան տպարանում էր տպագրվում Ստ. Ոսկանյանի ֆրանսերեն «Ռեֆորմ» թերթը՝ 1869 թ. մինչև դարավերջ:

1850-ական թվականներին ղմյուռնահայ գրատպության պատմության յուրօրինակ էջերից է «պատանեկան» տպարանների գործունեությունը: Այդպիսի տպարաններում էին տպագրվում, Ա. Փափաղյանի հորդորներով, ս. Մեսրոպյանի սաների խմբագրած «Երկասեր» և «Թուլթակ Հայկազյան» պարբերականները⁶⁴:

Գրատպության և մշակույթի ասպարեզում անփոխարինելի նշանակություն ունեցավ Տետեյան եղբայրների հրատարակչությունը (1853–1892), որն իր ծաղկումն ապրեց իր հիմնադրի՝ Տ. Հ. Տետեյանի (1832–1868) ժամանակ: Նրա նախաձեռնությամբ ձևավորվեց և արդյունավետ գործունեություն ծավալեց ղմյուռնահայ թարգմանիչների փայլուն դպրոցը: Տետեյան հրատարակչության շուրջ համախմբվեցին տաղանդավոր թարգմանիչներ՝ Մ. Մամուրյանը, Գր. Չիլինկիրյանը, Տ. Տետեյանը, Ա. Տետեյանը, Մ. Նուպարյանը, հետագայում՝ Գր. Մսերյանը և ուրիշներ: Նրանք աննախընթաց չափերի ու որակների հասցրեցին ժամանակի հայ թարգմանական գրականությունը՝ այս ասպարեզում առաջ անցնելով նույնիսկ Կ. Պոլսի իրենց ազգակիցներից: Եվրոպական նորագույն սարքավորումներով հագեցած այս տպարանը տպագրեց ոչ միայն ֆրանսիական ու անգլիական հեղինակների թարգմանությունները, այլև շատ դասագրքեր, ուսումնական ձեռնարկներ՝ խթանելով նոր շրջանի հայ գրականության և գլոբալ դարձացումը: Ա. Ալպոյաճյանը Տ. Տետեյանին իրավամբ համարում է «մեծ տպագրապետ և արևմտյան հայոց ամենեն մեծ հրատարակիչ», որի տպագրած 120–130 անուն գրքերը առաջ մզեցին գրական կյանքը⁶⁵:

1840–1850-ական թվականների ղմյուռնահայ հասարակական կյանքի և մշակույթի դարձացումը խթանվեց նաև տեղի պարբերական մամուլի գործառույթով: «Արշալույս արարատյան» (1840–1884) և «Հայրենասեր» թերթերը արտացոլում էին ոչ միայն ղմյուռնիայի, այլև առհասարակ բնաշխարհի ու գաղթօջախների հանրային ու մշակութային իրականությունը: Հիմնականում ունենալով ազգային պահպանողական ուղղություն, երկու թերթերն էլ Օսմանյան Թուրքիայում թանդիմաթի բարեփոխումների համոզած կողմնակիցն էին: Հատկապես «Արշալույս արարատյանի» էջերում կարելի է տեսնել ոչ միայն հաթիվ շերիֆի, այլև հաթիվ հյուսիսյանի բարենորոգումների հակասական ընթացքը ղմյուռնիայի և առհասարակ էգեյան ծովի առափնյա տարածքներում, օսմանյան պահպանողա-

63 Ա. Ալպոյաճյան. ղմյուռնիո տպարանները. – «Պատմա-բանասիրական հանդես», 1964, № 2, էջ 77:

64 Նույն տեղում, էջ 80:

65 Նույն տեղում, էջ 81:

կանոնության կողմից բարենորոգումներին դիմագրելու փաստերի անգրագարձը: Պատահական չէ, որ այս թերթը հետագայում «նոր օսմանների» ջախջախումը Աբգուլ Համիգի կողմից՝ սլետք է դիտեր որպես աղատամտության դեմ սուլթանի հետադեմ քաղաքականության դրսևորում: Ավելացնենք, որ «Արշալույս արարապյանը» հայկական այն գրեթե եզակի թերթերից է, որ իր ընթերցողին ծանոթացրել է «նոր օսմանների» հրապարակախոսությանը. թերթը թարգմանաբար տպագրեց Նամըք Քեմալի «Աշխատություն» հոդվածը⁶⁶, որ նրան հեաաքրքրել է երկրում բարեփոխումներ անցկացնելու անսակետից:

Վերոհիշյալ գրական շարժումը Տետեյան եղրայրներն ամրապնդեցին իրենց հրատարակած «Արփի արարատյան» ամսագրով (1853–1855), որը հայկական առաջին դրական պարբերականներից մեկն էր: Այստեղ տպագրվեցին թարգմանություններ Ֆրանսիական գրականությունից, ինչ-պես և ինքնուրույն ստեղծագործություններ: Գիտահանրամատչելի գրականության հրատարակության ուղադրավ փորձ էր Գ. Կոստանդյանի «Թանգարան հասարակաց» խորագրով մատենաշարը (16 գրքույկ, 1858): Զմյուռնիացի այս հեղինակն առավել ևս հայտնի է իր «Մեթոտին վրա» երկով, որը խոր կնիք թողեց XIX դարի 2-րդ կեսի հայ իմաստասիրական մտքի սլատմության մեջ:

АРМЯНСКАЯ ОБЩИНА СМИРНЫ И ПРЕОБРАЗОВАНИЯ
ТАНЗИМАТА
(1840 – 1850-е годы)

АЛЬБЕРТ ХАРАТЯН

Р е з ю м е

Несмотря на поверхностность и непоследовательность реформ танзимата, они в некоторой степени способствовали оживлению экономической и культурной жизни больших городов Османской Турции, в том числе и Смирны. Крупное армянское купечество Смирны в этот период имело торговые связи с Манчестером, Триестом и Веной. Из Турции оно вывозило сельскохозяйственное сырье и ввозило сюда промышленные товары. В армянской общине наиболее многочисленное сословие составляли эснаф-ремесленники и мелкие торговцы. Связанные с эснафом проблемы (качество продукции, ее цена и реализация) обсуждались на большом собрании эснафа, где и принимались решения. В период танзимата община имела национальное управление, национальные учреждения. В это управление входили епархиальный начальник и выборные представители, а в годы танзимата число последних увеличилось за счет представителей эснафа. Демократизация общинного управления в 1840–1850 гг. способствовала развитию культурной жизни армян Смирны (школы, книгопечатание, периодическая печать, товарищества и т.д.).

⁶⁶ «Արշալույս արարատյան», 1881, 25 ապրիլի: